
EW NAMOPUNG

A forata ew annuk an Chuuk State Annukun Kaun Imw non an epwe chok etiwa aean ewe Council of American Building Officials' Code, me ataeno Truk State Law No. 6-72, me pwan ren ekkoch popun.

EPWE PUNG ME REN EWE ANEEPWUNGUN CHUUK:

1 Tetten 1. Itenapan. Ei Namopung epwe iteni ewe
2 "Chuuk State Building Code".

3 Tetten 2. Popun. Popun ei annuk an epwe forata ew
4 annukun kau imw epwe ketiw me eoch me ren ewe Farmers
5 Home Administration (FMHA) me pwan tongeni mumuta an epwe
6 wor ngeni aramasen Chuuk ewe monien baro won imw mei
7 kisikis manawan. Ei annuk a foruta an epwe awora ew
8 nikinik ren napanapen niosun imw, met sakkun pisekin,
9 aean me ukukun masowen non me chon nomw non, koun imw,
10 met sakkun pisekin, aean me ukukun masowen non me chon
11 nomw non, ia epwe kou ia me tumunun uro-napen ewe imw me
12 pisekin angang ren koun imw mei kawor seni Muun ika ekkewe
13 kinikinin Muun.

14 Tetten 3. Wewen Foos. Chinon chok ika mei affat me
15 ekis, wewen ekkei fos ika muten kapas mei tettenitiw epwe
16 iei:

17 (1) "Building" wewen ese pwan nifinifin met
18 sakkun imw mei nom fan nurun ei annuk.

19 (2) "Building Officer" ewe aramas finien ewe
20 Governor seni ewe Putain Planning me Statis-
21 tics an epwe tumunu me apochokuna ei annukun kou
22 imw ika met ekkesiwin epwe wor ngeni ei annuk. Ei
23 fos epwe pwan wewen io we mei kefinita non taropwe

1 seni chon tumunu ei annuk an epwe pecheni non ewe
2 wiis.

3 (3) "Owner" wewen ewe aramas ika neni a
4 mochen epwe kou, are a fen neponen an a fen kou,
5 ika a fen kouta ew imw mei nom fan nurun ei annuk.
6 Tetten 4. Met ei annuk epwe fan won.

7 (1) Ei annuk epwe kuu ika fan won koun imw me
8 met kanan mei iteni pwe imw are met kanan mei
9 pachengeni mei kawor monian seni FMHA are aninnisin
10 monian meren State. Ei mei apachanong, chinon chok
11 ika mei kepichino ika ekkesiwin me ren ewe Building
12 Officer, projects ika ekkewe projects monian mei
13 kawor me tumun seni state me projects mi tou monian
14 meren State. Iwe nge, nupwen ewe moni fan iten
15 koun ewe mettoch a kawor ngeni ewe State non an epwe
16 wor ew sakkofesenin nikinik ren koun imw non an epwe
17 ekis tichik me kouk napanapan, iwe ena nikinik epwe
18 aea ngeni met ewe project epwe foruta.

19 (2) Ei annuk mei pwan tongeni fan won ekkoch
20 imw ika met kewe mei kouta me ren ewe muunap ika
21 pwan ew muun nukun ika kinikinin muun chinon chok
22 ika mei ekkesiwin ika kepichino meren ewe chon
23 tumunu koun imw.

24 Tetten 5. Tingorun ewe taropwen mumuta koun imw.

25 (1) Me mwen an epwe wor ewe angangen kou imw
26 minne mei nom fan nurun ei annuk, ewe sou imw epwe
27 tingor non an epwe apply ren echo taropwen mumutan
28 kou imw seni ewe chon tumunu koun imw.

29 (2) Ewe application epwe fiti met plans,
30 designs, drawings, specification ika met kanan ewe

1 angangen kou imw.

2 Tetten 6. Ewe chon tumunu Koun Imw. Ewe Kepina epwe
3 finata ewe chon tumunu koun imw an epwe tumunu me
4 apochokuna ei annukun kou imw.

5 Tetten 7. Imwen aramas; Imwen ew Family.

6 (1) Napanapen Koun. Napanapen koun imw ren ew
7 family epwe oppuru met ewe napanap non ewe One and
8 Two Family Dwelling Code an ewe Council of American
9 Building Official, minen non ewe 1986, pachenong
10 meinisin ekkesiwin an state ika national nge esap
11 pachenong Part I, chinon chok R-114, esap pwan
12 pachenong Part VII.

13 (2) Mechanical System. Ewe mechanical system
14 ren koun imw imwen ew chok family epwe oppuru met
15 ewe napanapen kou imw non ewe One and Two Family
16 Dwelling Code minen non ewe 1986 pachenong meinisin
17 ekkesiwin an state ika national nge esap pachenong
18 Part I, chinon chok R-114, esap pwan pachenong
19 Part VII.

20 (3) Plumbing System. Napanapen plumbing
21 system ika fetanin paip ren koun imw imwen ew chok
22 family epwe oppuru met mei affat me non One and Two
23 Family Dwelling Code, minen 1986 pachenong meinisin
24 ekkesiwinin an state ika national nge esap pachenong
25 Part I, chinon chok R-114, iwe esap pwan pachenong
26 Part VII.


27 (4) Electrical System. Fetanin serin fifi
28 ika tengki non imw imwen ew chok family epwe fiti met
29 masowen ewe National Electrical Code for One and Two
30 Family Dwelling, 1986, NFPA 70A, pachenong

1 met ekkesiwinin mei wor seni state me national.

2 Tetten 8. Niwinin tipisin atai ei annuk. Ion
3 aramas a tori ewe order seni ewe chon tumunu koun imw
4 fan iten an atai masowen ai annuk ika pungun ewe order
5 seni ewe chon tumunu koun imw, iwe ion sou imw, taiku ika
6 chon kou imw, sou fanafan, chon nom non ewe imw, a atai
7 masowen ei annuk ren pusin an mochen epwe tipis ren
8 pakking esap nap seni nimepuku chana (\$500.00), ika inik
9 (30) ran kanapus are ir me ruwoch. Menni ran a wor taan
10 ei annuk non epwe pwan annea pwe ew taan ewe annuk.


11 Tetten 9. Katanoon. Truk State Law No. 6-72 iei a
12 katano unusan.

13 Tetten 10. Poputan Pochokunan. Ei Annuk epwe
14 poputa pochokunan inet a kapunguno me ren ewe Kepina, ika
15 inet a pusin winiti annuk won winikapan.

16
17
18 Sain seni: 

Kisande K. Sos, Speaker
Utten Representatives
Aneepwungun Chuuk

19
20 Annetata:

21 
22 Herter Sorim, Chief Clerk
23 Utten Representatives
Aneepwungun Chuuk

Pwinin maram: March 6, 1991

- 1
- 2
- 3
- 4
- 5
- 6
- 7
- 8
- 9
- 10
- 11
- 12
- 13
- 14
- 15
- 16
- 17
- 18
- 19
- 20
- 21
- 22
- 23
- 24

Sain seni: Ira E. Akapito
 Ira E. Akapito, President
 Senate
 Aneepwungun Chuuk

Annetata:

Albert
 Datasi Albert, Chief Clerk
 Senate
 Aneepwungun Chuuk

Pwinin maram: March 7, 1991

Kapunguno seni: Sasad H. Gouland
 Sasad H. Gouland
 Kepina
 Chuuk State Government

Pwinin maram: 3/22/91

Uruon: H.B.NO: 1-3; HD-1; SD.1
 H.S.C.R.NO: 1-19; 1-2-06